印光大师 | 学佛之道,在于实行。若只张罗门面,不修实行,则亦只得门面之空名而已。

印光大师 地藏占察入净土 2021-08-01



印光大师

某居士去年去世,学佛之道,在于实行。若只张罗门面,不修实行,则亦只得门面之空名而已。既欲往生西方,自利利人,必须敦伦尽分,闲不存诚。诸恶莫作,众善奉行。真为生死,发菩提心。以深信愿,持佛名号,求生西方。上自父母伯叔,并及乡党邻里亲戚朋友,凡一切相识之人,皆宜以如上所行为劝。若谓自己实行上事,人自相观而善。所谓

以言教者讼,以身教者从。世出世间事,无一不以身为本者。若自不实行而教人行者,唯上智之人则可依从,只取其言之益,不计其人之能行与否。若非上智者,必腹诽背讥,反令造大口业。欲真利人,当事事尽己之分。则日用行为,皆含化人之机。久而久之,人自见信而依从之,固有不期然而然者。

今为汝取法名为宗清,宗,主也,本 也,清则永无垢染。**凡贪瞋痴慢等习** 气,必须对治,今其不起。则三业 清净,与佛相应矣。平时既相应, 临终自可蒙佛接引往生西方矣。曹惠 川, 法名宗惠, 惠即仁爱。仁爱之 念,常存于心,则仁爱之事,遍于日 用。就中最大之惠, 莫过于劝人吃 素,念佛,求生西方。次则莫过于教 人善教儿女。人果各用善教,则天下 太平,人民安乐矣。宗惠之义,大略 如是。若善体贴,则其利大矣。至于 净土法门之利益,修持之方法,当看 嘉言录,文钞,此不备书。光老矣, 目力精神均不给,以后不许再来信。 来决不复,以目力精神,不能应酬故 也。邮局若寄书,当为汝二人寄一二 种切要者,不寄则已。(民廿二九月 十五)

邮书已通,为寄二包,人各一份,拆开分 与。

节选自《印光法师文钞》

•三编卷一

•复李尔清居士书

## 結緣 微從這裏開始 ▷

占察净土一相逢,生活修行再不同。 两大愿王亲摄取,直登九莲出牢笼。

(>。<)我知道你在看哟